



Na osnovu člana 9. Zakona o kantonalnim ministarstvima i drugim tijelima kantonalne uprave (*Službene novine Srednjobosanskog kantona, broj: 8/03 i 14/03*), te na osnovu člana 6. Odluke Vlade Srednjobosanskog kantona o usvajanju programa korištenja sredstava, s kriterijima raspodjele sredstava, ostvarenih od naknade za koncesije iz nadležnosti Ministarstva privrede u 2024. godinu, broj: 01-11.7-1543/24 od 22.2.2024.godine, Ministarstvo privrede objavljuje

JAVNI KONKURS
za odabir korisnika sredstava ostvarenih od naknade za koncesije
iz nadležnosti Ministarstva privrede u 2024. godinu

I. PREDMET KONKURSA

Objavljuje se javni konkurs za dodjelu sredstava za sufinansiranje projekata u oblasti:

- a. Geoloških radova na istraživanju mineralnih sirovina na području Srednjobosanskog kantona (u daljem tekstu: Kantona);
- b. Zaštite i unapređenja okoliša, te razvojnih projekata na području Kantona.

Sredstva za ove namjene su predviđena Budžetom Srednjobosanskog kantona za 2024. godinu Ministarstvu privrede i u skladu sa Odlukom o usvajanju programa korištenja sredstava, s kriterijima raspodjele sredstava, ostvarenih od naknade za koncesije za mineralne sirovine za 2024. godinu.

II. NAMJENA

U oblasti geoloških radova na istraživanju mineralnih sirovina na području Kantona sufinansiraju se projekti:

- a. istraživanje mineralnih sirovina na Kantona;
- b. izrada programa i projekata istraživačkih radova;
- c. izrade elaborata o geološkim rezervama mineralnih sirovina.

U oblasti zaštite i unapređenja okoliša, te razvojnih projekata na području Kantona sufinansiraju se projekti:

- a. zaštite i unapređenja okoliša na području mjesnih zajednica gdje se istražuju i/ili eksploatišu mineralne sirovine;
- b. razvojni i drugi projekte koji ublažuju posljedice istraživanja i/ili eksploatacije mineralnih sirovina, te razvojnih i drugih projekata na području Kantona.

III. PRAVO UČEŠĆA

Pravo na podnošenje projekata na javni konkurs u oblasti geoloških radova na istraživanju mineralnih sirovina na području Kantona imaju privredni subjekti:

- a. koji s Ministarstvom privrede imaju potpisan ugovor o koncesiji za istraživanje i/ili eksploataciju mineralnih sirovina i pribavljeno odobrenje za istraživanje;
- b. koji će projekat realizovati na području Srednjobosanskog kantona;
- c. koji su podmirili poreze i doprinose;
- d. koji su podmirili obaveze po osnovu naknade za koncesiju.

Pravo na podnošenje projekata na javni konkurs u oblasti zaštite i unapređenja okoliša, te razvojnih projekata na području Kantona imaju:

- a. općine i mjesne zajednice sa područja Kantona;
- b. neprofitne organizacije sa područja Kantona.

IV. SADRŽAJ PRIJAVE ZA UČESTVOVANJE NA JAVNOM KONKURSU

Prijava mora biti urađena sadržajno po elementima zahtijevanim u potrebnoj dokumentaciji ovisno o pojedinom projektu.

Prijavu razmatra Komisija za razmatranje primljenih projekata na osnovu javnog konkursa, vrednovanje primljenih projekata i sačinjavanje prijedloga odluke o dodjeli sredstava (u daljem tekstu Komisija), koju imenuje Ministar privrede, ako su dostavljeni:

1. Zahtjev za uključivanje u projekat

Pod pojmom `Zahtjev za uključivanje` u projekat podrazumijeva se uredno popunjen Obrazac „Zahtjev za uključivanje u projekat“.

Ukoliko Zahtjev za uključivanje u projekat nije ovjeren i potpisan od odgovorne osobe, odbiti će se i neće biti predmet daljeg razmatranja Komisije.

2. Obavezni prilozi

Pod `Obaveznim prilozi` podrazumijevaju se oni prilozi koji se traže od podnosioca prijave, kojima podnosilac prijave dokazuje da li je kompetentan, pouzdan i da li redovno ispunjava svoje zakonske obaveze.

Popis zahtijevane dokumentacije, u ovisnosti od podnosioca zahtjeva i projekta za koju se oblast prijavljuje, dat je u potrebnoj dokumentaciji za odgovarajuću oblast.

Prijave koje ne sadrže zahtijevanu dokumentaciju, bit će odbijene i neće biti predmet daljeg razmatranja Komisije.

Sva priložena dokumenta moraju biti izdana od strane nadležnih sudskih ili upravnih organa. Priložena dokumenta ne smiju biti stariji od 3 (tri) mjeseca od dana objavljivanja ovog konkursa, izuzev rješenja o registraciji pravnog subjekta, uvjerenja o poreznoj registraciji i uvjerenja o registraciji PDV-a. Sve priložene kopije dokumenata moraju biti ovjerene od strane nadležnih upravnih organa ili notara.

V. KRITERIJI ZA OCJENU PRIJAVE I IZBOR KORISNIKA

Komisija će izvršiti ocjenu prijave i vrednovanje projekata na osnovu slijedećih kriterija:

- U oblasti geoloških radova na istraživanju mineralnih sirovina na području Kantona vrednovati će se:

a. kvalitet projekta	30%
b. vrijednost projekta	20%
c. stepen samofinansiranja	10%
d. nova geološka istraživanja	20%
e. stepen zaštite okoliša	10%
f. povećanje zaposlenosti	10%.

- U oblasti zaštite i unapređenja okoliša te razvojnih projekata na području Srednjobosanskog kantona vrednovati će se:

a. kvalitet projekta	30%
b. vrijednost projekta	20%
c. stepen samofinanciranja	30%
d. stepen zaštite okoliša	20%.

Odluku o dodjeli sredstava, na prijedlog Komisije, donosi Vlada Kantona i ista će biti objavljena u Službenim novinama Srednjobosanskog kantona.

Broj prihvaćenih projekata – programa, te visina sredstava koja će se dati na raspolaganje korisniku, ovisit će isključivo od broja zahtjeva i visine planiranih sredstava.

VI. PREUZIMANJE POTREBNE DOKUMENTACIJE

Potrebnu dokumentaciju za učešće na Javnom konkursu, pripremio je Ministarstvo privrede i ista se može preuzeti elektronskim putem na web stranicama www.eprivreda.ba i www.sbk-ksb.gov.ba ili u prostorijama Ministarstva privrede u Travniku, ulica Prnjavor 16 svakim radnim danom u vremenu od 10-14 sati.

VII. PODNOŠENJE PRIJAVE

Prijave sa odgovarajućom dokumentacijom, dostavljaju se putem web platforme www.eprivreda.ba, putem pošte na adresu Ministarstva privrede SBK (Stanična 43, Travnik) ili lično na protokol Vlade SBK sa naznakom „**NE OTVARATI – Prijava po javnom konkursu**“.

Zadnji rok za dostavu programa – projekata je na dan 25.09.2024.godine. Prijave primljene nakon isteka roka neće biti razmatrane.

VIII. TROŠKOVI PROJEKTA – PROGRAMA

U postupku javnog konkursa Ministarstvo privrede ne snosi nikakve troškove učesnicima konkursa, te zadržava pravo da prijavu prihvati u cijelosti, djelomično ili je u potpunosti odbije, poništi javni konkurs ili odbaci sve prijave u bilo koje vrijeme prije sklapanja ugovora. Ministarstvo privrede neće snositi nikakvu odgovornost prema učesnicima konkursa, niti je obavezno objasniti razloge takve odluke. Prispjela dokumentacija neće se vraćati.

IX. OSTALE ODREDBE

Sa kandidatima čije se prijave prihvate, Ministarstvo privrede će potpisati Ugovor o implementaciji dodijeljenih sredstava, kojim će biti preciziran način i dinamika korištenja odobrenih sredstava, te nadzor nad trošenjem istih u namijenjene svrhe.

Ministarstvo privrede će na stranici Vlade SBK objaviti listu poslovnih subjekata koji ne ispunjavaju uslove Javnog poziva, na koju poslovni subjekti imaju pravo prigovora u roku od 8 (osam) dana od dana objavljivanja liste.

Sve dodatne informacije vezane za konkurs mogu se dobiti svakim radnim danom putem telefona broj 030/ 511 – 217 od 10,00 do 14,00 sati ili na e-mail: min.priv@bih.net.ba.

Broj: 05-11-1543/24-1

Travnik: 17.09.2024. godine

MINISTAR

dr.sci. Sedžad Milanović